

**TEMURIYLAR HOKIMIYATGA KELISH ARAFASIDAGI MOVORAUNNAHR SIYOSIY
ELITASI**

Tojiboyev Munavvarjon No'monjonovich
O'zbekiston Respublikasi Ichki ishlar vazirligi
Farg'ona akademik litseyi tarix fani o'qituvchisi

XIV asrning 40-yillarida Chig'atoy ulusi ikki qismga bo'linib ketdi. Chig'atoy ulusining g'arbiy qismi bo'lmish Movorounnahrda hokimiyat amalda mahalliy turkey qabilalar qo'liga o'tdi. Ularning qatnashchilaridan biri amir Qazag'on hokimiyatni qo'lga kiritib, qo'g'irchoq xonlar orqali davlatni boshqardi. Bu aslida XIV asrning 1-yarmida Movorounnahrda yuz bergen ijtimoiy-iqtisodiy jarayonlarning siyosiy hayotdagi innikosi edi. Bizga ma'lumki, Chingizxon boshchiligidagi mo'gullar O'rta Osiyon zab etganlaridan so'ng, ko'plab turkmo'g'ul qabilalari Movorounnahrga kelib joylashdilar. XIV asrning birinhi yarmiga kelib, ularning katta qismi o'troqlashdi va batamom turklashdi. Buning natijasida ushbu ko'chmanchi qabilalarning sardorlari mahalliy aristokratiya bilan birlashib ketdi, natijada, ularning manfaatlari Chig'atoy ulusining markazidagi ko'chmanchi mo'g'ul zodagonlari manfaatlariga zid kelib qoldi. Shunday qilib, Movorounnahrda mustaqil davlat tuzishdan manfaatdor bo'lgan siyosiy elita shakllandi. U elita tarkibini asosan, ko'chmanchi va yarim ko'chmanchi qabilalarning sardorlari yoki shu qabilalardan chiqqan harbiy yetakchilar tashkil etardi. Biz quyida Amir Temur siyosiy faliyati arafasidagi siyosiy elita tarkibini qabilalar negizida ko'rib chiqamiz. Tanlab olingan masalani tadqiq etishda Nizomiddin Shomiy, Muiniddin Natanziy, Sharafuddin Ali Yazdiy, Fasix Havofiy, Ibn Arabshoh va boshqa muarrixlarning asarlariga tayanildi.

XIV asrning 40-60-yillarida Movorounnahr siyosiy hayotida qoraunashlar, barloslar, sulduzlar, jaloyirlar, yasavuriylar, apardilar, orlotlar va boshqa turkiy qabila vakillari asosiy o'rinni tashkil etgan.

Qoraunashlar – Natanziyning “Muntahab ut-tavorixi Muiniy” asarida keltirilishicha Movorounnahrdagi turkiy qavmlardan biri[1:44 6]. amir Qazag'on, amir Abdullo, amir Husayn hamda uning o'g'llari Sayyid va Navro'z Sulton, Jahon Malik va Xalil Sultonlar ushbu qavmning o'rganilayotgan davrdagi yetakchilari hisoblanadi.

Amir Qazag'on XIV asrning 40-50-yillarida Movorounnahrda katta siyosiy ta'sirga ega bo'lgan amirlardan biri. Nizomiddin Shomiyning “Zafarnoma” asarida ushbu amir haqida qisqa ma'lumotlar ketirib o'tilgan. Asarda uni Qazon sultonga qarshi kurashganligi haqida ma'lumot ketirilmagan. Uning Chig'atoy ulusida hokimiyat Donishmandacha va Bayonquli qo'lida bo'lganda mamlakat ishlarini yuritishga boshchilik qilganligi, raiyat va qo'l ostidagilarni farvonlikda tutganligi, ko'p vaqtini qush solib ov bilan o'tkazganligi va shu ovlardan birida Uranatiyon qabilasidan bo'lgan Qutlug' Temur tomonidan o'dirilganligi bayon etilgan[2:27, 403 6]. Sharafuddin Ali Yazdiyning “Zafarnoma” asarida bo'lsa, u haqida kengroq ma'lumot berilgan. Xususan, asarda uning tashqi siyosiy faoliyatiga e'tabor

qaratilgan. Asarda asosan, amir Qazag'onning Hirot hokimi bilan munosabatlar keng yoritilgan. Shuningdek, asarda muallif uni Chig'atoy amirlaridan biri ekanligi, 1346-yilda Movorounnahrda chig'atoy xonlaridan hokmiyatni tortib olganligi ta'kidlangan[3:15-19, 314 6]. Yana bir o'sha davr tarixchilaridan Muniniddin Natanziyning "Tarixi Muiniy" asarida esa, amir Qazag'anning ichki siyosiy faoliyati haqida boshqa manbalarga qaraganda kengroq ma'lumotlar berilgan. Lekin uning kelib chiqishi haqida asrada ma'lumot keltirilmagan[4:6-38 6].

Qoraunaslarning yana bir yirik amirlaridan biri amirzoda Abdullohdir. Amir Qazag'on o'ldirilgandan hukmronlik qildi. Muniniddin Natanziyning "Tarixi Muiniy" asarida ketirilishicha, amirzoda Abdulloh bir yilcha hukmronlik qilgandan so'ng, Chig'atoy ulusida har toifaning o'z hukmdori paydo bo'ldi, ya`ni har bir qabila bir odamni o'ziga bosh qilib, fitnayu g'alayonlar ko'tardilar. Chunonchi, sulduz qavmiga, amir Bayon, jaloyir qavmiga amir Boyazid bosh bo'ldi va Kesh va Naxshab lashkarlarini Hojibek Barlos, yasavur qavmini amir Xizr, Andxo'y va Shibirg'oni Hamidxoja nayman o'z qo'llariga oldilar. Amir Qazag'on avlodlari Kobul va G'aznaga ravona bo'ldilar[5:45 6]. Sharafuddin Ali Yazdiyning "Zafarnoma" asarida esa amir Abdulloh tomonidan Bayonqulixon qatl etilgandan so'ng, Bayon Sulduzning Hisordan qo'shin yig'ishtirib, Samarcand sari kelganligi, Kesh viloyatida Hoji Barlos ibn Nuralqi ibn Namula ibn yasu Munka ibn Qorachor No'yon qo'shini bilan qo'shilganligi, natijada amir Abdulloh qo'shini yengilib qochganligi bayon etilgan[6:19 6].

Amir Temurning siyosiy faliyati arafasida Movorounnar siyosiy hayotida katta nufuzga ega bo'lgan qraunaslarning amirlaridan biri Amir Husayn edi. Sharafuddin Ali Yazdiyning "Zafarnoma" asarida keltirilishicha, Husayn ibn Musallo ibn Qazag'anbek. Amir Temurning qaynog'asi va Movorounnahrda hokimiyat uchun kurashda asosiy raqibi. U amir Qazag'anning nabirasi erdi. Amir Husaynning otasi Amir Musallo Qazag'anning katta o'g'li edi. Movorounnahrda amir hamda beklar o'rtasidagi o'zaro hokimiyat uchun kurashlar avjiga chiqishidan oldinroq vafot etgan edi. Amir Husayn Qazag'an va Abdullohhlar tirikligida Afg'oniston va Amudaryo bo'yalarida hokimlik qilar edi. Ularning vafotidan so'ng Movorounnahr taxtiga da`vogarlik qila boshlaydi[7:19, 315 6]. Muiniddin Natanziyning "Tarixi Muiniy" asarida Ali Yazdiydan farqli ravishda uning nasabini Husayn ibn Musammi ibn amir Qazag'an ko'rinishida keltirib o'tgan[8:46 6]. O'sha davr muarrixlarining asarlarida amir Husaynning harbiy-siyosiy faoliyati, Movorounnahr taxtini egallah yo'lida Amir Temur bilan ba'zan ittifoqlik rishtalarini bog'alaganligi va buning natijasida mo'g'ullarning jeta qo'shnlari ustidan bir necha bor zafar qozonganlari, ba'zan esa o'zining toju-taxtga bo'lgan xirsi hamda kaltabin siyosati natijasida ko'plab uvafaqiyatsizlikka uchraganligi yakunda esa taqdiri halokatli tugaganligi to'g'risida batafsil ma'lumotlar keltirib o'tilgan.

XIV asrning 40-60-yillarida, Movorounnahrning siyosiy hamda harbiy hayotida katta ta'sirga ega qavmlardan yana biri barloslardir. Bu davrdagi baroslarning ko'zga ko'rigan vakillari Hoji barlos, Amir Temur, Joku Baros, Tog'ay Bug'a barlos, Siddiq barlos, Jaloliddin barlos hamda Hinduka baroslар hisobanadi. Baroslarning o'sha davrdagi yirik amirlaridan biri amir Hojibek barlos hisoblanadi.

Nizomiddin Shomiyning “Zafarnoma” asarida 1359-1360- yillarda amir Hoji barlos Bayon Sulduz bilan birga amirzoda Abdullohga qarshi kurash olib borganligi va Movorounnahrda hokimiyatni o’z qo’llariga olganligi ta’kidlangan. Shuningdek, asarda uni 1361-yilda o’dirilganligi ta’kidlangan[9: 28, 403 б]. Shuningdek, o’sha davr muarixlarining asarlarida Hoji barlos haqida yetarli darajada ma’lumotlar bayon etilgan. Sharafuddin Ali Yazdiyning “Zafarnoma” asarida Amir Hoji barlosning nasabi haqida ma’lumot keltirilgan bo’lib, Hoji Barlos ibn Nurqali ibn Namula ibn Yasu Munka ibn Qorachor No’yon – Amir Temurning qarindoshi va barloslar urug’ining o’sha davrdagi yirik amiri ekanligi bayon etilgan[10: 18, 316 б]. Ibn Arabshohning “Ajoyib al-maqdur fi tarixi Temur” asarida Amir Temurni nasabi haqida ma’lumot keltirilib, Temur ibn Tarag’ay ibn Abag’ay deb zikr qilingan. O’sha davr muarrihlaridan farqli o’laroq Ibn Arabshoh o’z asarida Amir Temurning tug’ilgan joyini Xo’ja Ig’or deb atalgan qishloqdan ekanligi ta’kidlangan[11: 68 б]. Barloslarning bu davrdagi yirik vakillaridan biri Amir Temur hisobanadi. O’rganilayotgan davrda Movorounnahr siyosiy hayotida yetakchilikni o’z qo’llariga olish uchun barloslar boshqa qavmlar bilan goh o’zaro ittifoqchi sifatida, goh esa raqib sifatida faoliyat olib borganligini ko’rishimiz mumkin.

XIV asrning 40-60-yillarida Movorounahr siyosiy hayotida katta nufuzga ega bo’lgan qavmlarda yana biri sulduzlardir. Sulduzlarning bu davrdagi yirik amirlari Amir Bayon Sulduz, Uljay Bug’a Sulduz, Tug’luq Sulduz, Mangli Bug’a Sulduz Shayx Muhammad Sulduzlardir. Sharafuddin Ali Yazdiyning “Zafarnoma” asarida keltirilishcha, turklarning sulduz urug’i Markaziy Osiyoga mo’g’ullar bilan kelib, Termizdan sharqroqda Amudaryoning ikki sohili bo’ylab o’rnashib ko’chib yurgan va o’zbeklarning tarkibiga kirgan. Bayon Sulduz shu urug’ning o’sha davrdagi eng yirik amirlaridan edi[12: 315 б]. Fasih Xavofiyning “Mujmali Fasihiy” asarida keltirilishicha, Bayon Sulduz 1361-1362-yillarda Tug’luq Temrxon tomonidan qo’lga olingnligi va qatl etilganligi ta’kidlangan[13: 89 с].

Shuningdek, bu davr Movorounnahr siyosiy hayotida muhim ahamiyat kasb etgan qavmlardan jaloyirlarni, yasavuriylarni apardilarni, dulg’otlar hamda orlotlarni ham sanab o’tishimiz mumkin. Sharafiddin Ali Yazdiyning “Zafarnoma” asarida keltirilishicha, jaloyirlar asli kelib chiqishi mo’g’ul bo’lib, bu davrga kelib ular to’la turklashgan edi. Jalyirlarning yana bir yirik qismi qismi Amir Temur davrida Iroqda bo’lib, u yerda mamlakat va hokimiyat ularning qo’lida bo’lgan[14: 316 б]. Jaloyirlarning bu davrdagi ko’zga ko’ringan amirlari Boyazid va Bahrom jaloyirlar hisoblanadi. Nizomiddin Shomiyning “Zafarnoma” asarida keltirilgan ma’lumotlarga qaraganda amir Boyazid Jaloyir Tug’luq Temrxon buyrug’iga ko’ra 1363-yilda qatl etilganligi bayon etilgan[15: 415 б].

Xulosa o’rnda shuni ta’kidlash keraki, XIV asrning 40-60-yillaridagi Movorounnahrdagi siyosiy vaziyat nihoyatda murakkab bo’lgan davrda bu yerdagi turkiy qavmlar va ularning yetakchilari imkonи boricha o’z manfaatlari yo’lida foydalanishga harakat qiliganligiga e’tabor qaratishimiz kerak. XIV asrning 40-50-yillarida Movorounnahrdagi siyosiy faoliyatda yetakchilik asosan qoraunas qavmining qo’lida bo’lganligini ko’rishimiz mumkin. Boshqa qavm vakilari esa asosan, qoraunaslarga xizmatda bo’lishgan. XIV asrning 60-yillaridan

boshlab bo'lsa, Movorounahrda turkiy qavmlar o'rtaida o'zaro kurashlar avjiga chiqqan. O'sha davr muarixlarining asarlarida keltirilgan ma'lumotlarga qaraganda XIV asrning 60-yillari ikkinchi yarmida Movorounnahrda qoraunaslar va barloslar o'rtaida keskin kurash ketgan. Shunday vaziyatda baroslarning yetakchilaridan Amir Temur tarix sahnasiga chiqib, o'zaro nizolardan ustalik bilan foydalanib, Movorounnahrda siyosiy yetakchilikni o'z qo'liga ola boshladi.

FOYDALANILGAN MANBA VA ADABIOTLAR:

1. Nizomiddin Shomiy. Zafarnoma. / Fors tilidan tarj – Y.Hakimjonov, ma`s. muharr – A.O'rınboyev, izoh va lug'atlarni tuzuvchi – H.Karomatov – T.: Fan, 2019. –B. 27, 28, 403, 415.
2. Шарафиддин Али Яздий. Зафарнома. / Сўзбоши, табдил, изоҳлар ва кўрсаткичлар муаллифлари Аҳмад А., Бобобеков Ҳ. –Т.: Шарқ, 1997. –Б. 15-19, 314, 315, 316
3. Муиниддин Натанзий. Мунтахаб ут-таворихи Муиний. / Форс тилидан таржима, сўз боши ва изоҳлар муаллифи Ғулом Каримий; масъул муҳаррир – А.Ўринбоев. – Т.: Ўзбекистон, 2011. –Б. 6-38, 44, 46.
4. Фасих Хавафи и эго труд Муджмал-и Фасихи // Фасих Хавафи. Муджмал-и Фасихи / Пред. предис. примич. и указатели Д.Ю.Юсуповой. Т.: Фан. 1980. – С. 89
5. Ибн Арабшоҳ. Ажойиб ал-мақдур фи тарихи Таймур: Темур тарихида тақдир ажойиботлари. / Сўз боши, араб тилидан таржима ва изоҳларни У.Уватов тайёрлаган. 1-2-китоб. – Т.: Мехнат, 1992. 1-китоб, -Б. 68.